

沔陽州志卷

雜類

陳友諒傳

陳友諒漁家子也本謝氏祖贅於陳因從其姓少讀書畧通大義有術者相其先世墓地曰法當貴友諒心竊喜嘗爲縣小吏非其好也徐壽輝兵起友諒往從之依其將倪文俊爲簿掾至正十七年九月文俊謀弑壽輝不克奔黃州時友諒隸文俊麾下數有功爲領兵元帥遂乘釁殺文俊并其兵自稱宣慰司尋稱平章政事明年陷安慶又破龍興瑞州分兵取邵武吉安而自以兵入撫州已又破建昌贛汀信衢當是

沔陽州志

卷十二

雜類

陳傳

一

時江以南惟友諒兵最強太祖之取太平也與爲鄰友諒陷元池州太祖遣常遇春擊之由是數相攻擊趙普勝者故驍將號雙刀趙初與俞通海等屯巢湖同歸太祖叛去歸壽輝至是爲友諒守安慶數引兵爭池州太平往來掠境上太祖患之啗普勝客使潛入友諒軍聞普勝普勝不之覺見友諒使者輒訴功悻悻有德色友諒銜之疑其有貳於己以會師爲名自江州猝至普勝以燒羊逆於鴈汊浦登舟友諒卽殺普勝並其軍乃以輕兵襲池州爲徐達等擊敗師盡覆始友諒破龍興壽輝欲徙都之友諒不可未幾壽輝遽發漢陽次江州江州友諒治所也伏兵郭外迎壽輝入卽閉城門悉殺

其所部卽江州爲都奉壽輝以居而自稱漢王置王府官屬
遂挾壽輝東下攻太平太平城堅不可下乃引巨舟薄城西
南士卒緣舟尾攀堞而登遂克之志益驕進駐采石磯遣部
將陽白事壽輝前戒壯士挾鐵搥擊碎其首壽輝旣死以采
石五通廟爲行殿卽皇帝位國號漢改元大義太師鄒普勝
以下皆仍故官會大風雨羣臣班沙岸稱賀不能成禮友諒
性雄猜好以權術馭下旣僭號盡有江西湖廣之地恃其兵
強欲東取應天太祖患友諒與張士誠合乃設計令其故人
康茂才爲書誘之令速來友諒果引舟師東下至江東橋呼
茂才不應始知爲所紿戰於龍灣大敗潮落舟膠死者無算
沔陽州志

卷十二

雜類

陳傳

二

亡戰艦數百乘輕舸走張德勝追敗之慈湖焚其舟馮國勝
以五翼軍蹙之友諒出皂旗軍迎戰又大敗遂棄太平走江
州太祖乘勝取安慶其將于光歐普祥皆降明年友諒復遣
兵陷安慶太祖自將伐之復安慶長驅至江州友諒戰敗夜
挈妻子奔武昌其將吳宏以饒降王溥以建昌降胡廷瑞以
龍興降友諒忿疆土日蹙乃大治樓船數百艘皆高數丈飾
以丹漆每船三重置走馬棚上下人語聲不相聞艣箱皆裹
以鐵載官屬百官盡銳攻南昌飛梯衝車百道並進太祖從
子文正及鄧愈堅守三月不能下太祖自將救之友諒聞太
祖至撤圍東出鄱陽湖遇於康郎山友諒集巨艦連鎖爲陣

太祖兵不能仰攻連戰三日幾殆已東北風起乃縱火焚友諒舟其弟友仁等皆燒死友諒氣沮是戰也太祖舟雖小然輕駛友諒軍俱艨艟巨艦不利進退以是敗太祖所乘舟檣白友諒約軍士明日併力攻白檣舟太祖知之令舟檣盡白翌日復戰自辰至午友諒軍大敗友諒欲退保鞏山太祖已先扼湖口邀其歸路持數日友諒謀於眾右金吾曰出湖難宜焚舟登陸直趨湖南圖再舉左金吾將軍曰此示弱也彼以步騎躡我進退失所據大事去矣友諒不能決既而曰右金吾言是也左金吾以言不用舉所部來降右金吾知之亦降友諒益困太祖凡再移友諒書其略曰吾欲與公約從各

安一方以俟天命公失計肆毒於我我輕師出奄有公龍興十一郡猶不自悔禍復構兵端一困於洪都再敗於康郎骨肉將士重罹塗炭公卽倖生還亦宜卻帝號坐待眞主否則喪家滅姓悔晚矣友諒得書忿恚不報久之乏食突出湖口諸將自上流邀擊之大戰江口漢軍且戰且走日暮猶不解友諒從舟中引首出有所指搗駮中流矢貫睛及顱死軍大潰太子善兒被執太尉張定邊挾友諒次子理載其屍遁還武昌友諒豪侈嘗造鏤金牀甚工宮中器物類是旣亡江西行省以牀進太祖歎曰此與孟昶七寶溺器何異命有司毀之友諒僭號凡四年子理旣還武昌嗣僞位改元德壽是冬

太祖親征武昌明年二月再親征其丞相張必先自岳州來
援次洪山常遇春擊禽之徇於城下城中大懼由是欲降者
眾太祖乃遣其故臣羅復仁入城招理理遂降入軍門俯伏
不敢視太祖見理幼弱掖之起握其手曰吾不汝罪也府庫
財物恣理取旋應天授爵歸德侯友諒之從徐壽輝也其父
普才止之不聽及貴往迎之普才曰汝違吾命吾不知死所
矣普才五子長友富次友直又次友諒又次友仁友貴友仁
友貴前死鄱陽太祖平武昌封普才承恩侯友富歸仁伯友
直懷恩伯贈友仁康山王命所司立廟祀之以友貴祔理居
京師邑邑出怨望語帝曰此童孺小過恐讐人蠱惑不克全
沔陽州志

卷十一

雜類

陳傳

四

朕恩宜處之遠方洪武五年理及歸義侯明昇並徙高麗遣
元降臣樞密使延安答理護行賜高麗王羅綺俾善視之亦
徙普才等滁陽

方外

晉

劉仙不知何許人輿地記勝云紫陽觀前有劉仙飛昇臺晉劉道士修煉於此嘗服艾葉歲久得道白晝跨鶴而昇

唐

積禪師姓史又名史禪師主席於西禪院得陸羽於水濱育而教之院有隄亦師所築見王象之輿地紀勝

智遠禪師復州資福院僧也參越州鏡清問如何是諸佛出身處清曰大家要知師曰如斯則衆眼難瞞去也清曰清能縛豹師因此發悟住後僧問師唱誰家曲宗風嗣阿誰師曰

沔陽州志

卷十二

雜類

方外

一

雲嶺風前月鏡湖波裏明問諸佛出世天雨四華地搖六動和尚今日有何祥瑞師曰一物不生全體露日光射彩阿誰知問如何是直示一句師曰是甚麼師乃曰還會甚麼會去即今便了不會塵沙算劫祇據諸賢分上古佛心源明露現前西天徧地森羅萬象自己家風佛與衆生本無差別涅槃生死幻化所謂性地真常不勞修證珍重

舊志註云此即北塔禪師見傳燈

錄並楚寶今資福院廢土人但名爲塔院頃時有衲子輩於此訪祖庭焉

機聰禪師參復州乾明寺僧僧問如何是佛法大意師曰此問不虛問如何是東境禪師曰定木不曾離舊岸紅塵爭敢入波來

明慧禪師復州僧問如何是道師曰私通車馬僧進一步師

曰官不容鍼案唐時太宗貞觀七年移復州治沔陽縣元宗

天寶時改竟陵郡肅宗乾元時復改復州及寶應三年復州仍治竟陵此舊志所載復州智遠明慧僧及機

宋

張先生不知何許人郡中有蕭行美年九十餘篤行履素嘗

游漢上遇老人自稱張先生指草一叢曰移歸栽之可煮鐵

成銀戒之曰切不可洩行美受教遂移草歸臨後視之果如

言久之語洩一夕大風雨漂失其草再入山訪之不復有矣

元

宋有道字德芳號黃房公沔陽府人無雲則能以杖行雲有

沔陽州志

卷十二

雜類 方外

二

雲則能披雲見斗故時號披雲真人一旦遇馬丹陽授以金

丹火候祕訣行之兩年能分身元世祖召邱長春及諸道士

十八人有道為首後以道法授李太虛寓燕之長春坐逝

明

惟一真人劉仁成號月峯字鐵巖江西吉水人左掌心出肉

印有神技禱雨輒應能療人疾驅邪斬蛟洪武十五年遣考

官選道士授仁成沔陽府道正給印誥十六年正月勅建國

醮授惟一真人號賜還沔永樂時襄陽大旱襄王請禱雨三

日大雨王餽百金不受僅受贈詩一首因募王修雷祖神像

歸沔供奉王曰難得神真像耳真人乃作法飛符請諸雷神

下降形貌瑰異竦立工人肖像雕修裝成遣送泗又常經洞庭風波大作真人召神斬白蛇妖永樂中澡浴端坐而逝
邈遇仙姓劉名方衢字天亨沔北人少穎悟讀書村塾信口成句詠水中眠牛云不用繩索不用牽任他逐浪任他眠饑餐天上長春草渴飲人間不斷泉及長讀易聞邵堯夫子半天心之說欣然有悟遂棄舉子業出游鄂渚居鳳凰山麓之五聖祠倚祠牆編荻蓬布石臥其上三十年取市中敗絲敝縷補綴遮體鄂人初厭之既少異之呼之爲邈遇仙

千華三昧律師姓錢氏廣陵人出家初從覺浪恩法師習賢首教觀名宿如紫柏雲棲咸往參叩坐禪發悟後嗣慧雲和

沔陽州志

卷十二

雜類 方外

三

尙移錫雄潭潭龍現形稟戒所至與宰官居士結蓮社修香光淨業天啟丙寅住沔講經開戒戒子數千人建廣長律院師戒法精嚴道化廣被後住金陵寶華山順治乙酉大兵下南都六月朔告大眾曰吾於法門持律垂四十載將爲完人以報國恩侍者疑其無疾難於蛻脫者師曰吾以金剛光明戒力入體性虛空華光三昧矣屆午命具香水澡浴念佛跏趺而逝

晦山戒顯禪師者姓王名漸字原達太倉州人少與吳梅村王周臣同受業張受先先生之門又與王煙客同結蓮社高才博學中副車懷宗甲申聞燕京陷卽慟哭文廟焚書出家

受戒業於千華昧公得法於靈隱具德和尚參雲門扇子躡
跳語大悟遊廬山詩高奇古麗至河童孝廉綏世極爲皈敬
題詩廣長社返武昌登黃鶴樓賦詩晚居雲居康熙壬子七
月跣趺坐化世壽六十四師書法峭健乞者趾相錯其弟子
廓聞遠住持廣長社蓮濤社

國朝

杏巖法師名戒岳字支浮黃岡人初參蓮池後於三昧律師
處稟具足戒如紫柏可公憨山清公師皆參叩授梵行品爲
心地要門屬令引講華嚴大經居麻城與冢宰李夢白太史
梅瓊字太僕田雙南明經梅惠連諸公結社密契無不欽服

沔陽州志

卷十二

雜類 方外

四

順治丙申丁酉駐錫沔無垢庵講演華嚴楞嚴諸經著有圖
通宗說華嚴畧提圓乘日用諸書又刻華嚴書本楞嚴正脈
疏畧彌勒經淨土指歸一時道風遐播後歸麻城如是山年
七十四說偈而化

百子庵僧不知其名持鉢乞食不應卽去瞑目靜息嘗不食
數日有諸惡少集庵中賭骰揮拳誤觸僧仆地起視危坐毫
無忤色嘗持佛號不輟孝廉陳祖祺讀書庵中僧一日倩陳
書偈曰數十年來無故東處化到西處而今參透機關踢倒
須彌便去遂坐化

寒石仙鎮名僧聞之莆陽人遊粵東受開元寺悟達禪師衣

鉢後駐錫江南歷九華峩嶓五臺諸勝康熙二十六年寓仙鎮龍華寺無愛無憎若瘋若顛人不能測談禍福輒中人有餉齋者室內偶有言卽揮之常拾字紙焚化小兒有病患袖龍眼與啖之卽愈五十二年說偈曰惡臭不留人世光明徧照天宮言已化去仙鎮人共塔全身於龍華寺後有碑

大聲禪師名宗海沔左氏子幼習儒十餘齡依僧語松蘿染稟戒於無垢碧雲法師後於白兆宗老人處參竹篋子話發明心地住信陽州白雲寺寺爲何大復所建蘭若後歸沔天保寺率衆禮大悲懺儀六時念佛能詩善書法傲懷素醅樸和靄蕭雅閒淡有古名僧風韻人士樂親之年六十二臨化沔陽州志

卷十二

雜類方外

五

說偈而寂

行緯法師字惠健姓金氏天門人爲碧雲講師法嗣居賢首寺能詩善書通教典講楞嚴圓覺者數期寺舊有經藏爲陳文燭所購歲久殘缺行緯募金至白下請全藏歸庑閣上又修禮四明慈雲懺儀大弘佛事著有圓覺彌陀解及規鑿錄年未及六十終同時有釋孔昭祖權道印照宗德楷者皆修梵行爲各緇而祖權初住沔後住信陽賢首通宗乘善書慈和願力與孔昭尤僧中之傑出者

僧心印自號臥雲山衲能詩幼祝髮沔南淨土庵長具戒於漢陽之歸元寺恪守禪規專持戒律徧遊天下名山海島如

九華五臺峩嶨衡嶽諸峯皆其所卓錫處也後歸里歲飢印
辟穀面壁七日不飢享年七十有六跌坐涅槃化去

寒石和尚金陵人一日請於師曰誰是安身所師舉易潛龍
勿用句令參之後遊峩嶨歸過仙桃鎮見龍華山寺頓悟曰
師教我也卽住錫於此有問休咎者言輒微中涅槃後偶遺
一履於地後數月有人自四川來言寒石託寄一履於寺衆
視之與所遺履符藏之寺中後因兵亂履失去按舊志有寒石傳此事不

載茲據龍華山僧壽安所云

果修仙鎮文昌閣僧性方整雅慕儒術俗家貧所生養葬皆
僧殫力任之姪輩資其教養成家宗祀得以不墜工書畫兼

沔陽州志卷十二 雜類 方外 六

好爲詩州牧張雪樵重其行延入家廟與其唱酬咸豐年間
逆匪上竄閣遭兵燹除夕守歲頽垣中聞有人叩門而贈以
物出則人跡杳然惟萬年青一本珍而供之 萬歲位前時
賊氛未靖僧獨倡言克復之兆卽於次年募化建廟又置萬
年亭一所閔太史稚萃爲之記書於壁晚遠於醫救患恤貧
年七十九卒遺言不作佛事乞諸檀越以儒家禮葬焉其孫
徒鐵舫法其筆意擅長山水

彭道人乾隆時人拾字紙精眼科煉氣數十年老遂不食煙
火兀坐羽化肉身今存廣長社

萬空慧空住新隄廣佛寺均能詩善鼓琴一時遷客騷人贈

答如林今寺壁猶有存稿嘉慶季年圓寂

天定字雙溪武昌人新堤東廣佛寺僧工詩所與遊皆知名

士贈涵師我媚遊歸詩沈宗伯德潛選入國朝詩別裁詩云

我媚西去似登天見說斯行到頂邊古木千年都化石衲衣
六月總裝棉陰風晝灑岩端雪急雨宵聞洞口泉袖得圖歸
誇示我芒屨踏破意忻然

練江漢上僧也善操琴工詩有雨竹千竿翠江風六月涼句

為時所賞主歸元叢林乾隆二十七年純廟南巡練江迎鑾

獻詩 召見行在 温語遣之後 八旬萬壽祝頌

闕下漢士公製北上駢言以寵其行由是名益顯嘉慶六年

新堤紳劉應鑾重建春雨亭延之住持遠近詞人聞風踵至

沔陽州志 卷十一 雜類 方外 七

練江幾有主盟騷壇之目十六年圓寂建塔亭後謝祖瀛聽

詩練江上人豁胸襟色相俱空無塵侵坐禪焦山二十載海
雲堂前雲水深周鼎漢爐摩挲久歸來攜得一張琴坐對蒲
團聽再鼓枯桐可使徽黃金黃鍾大呂宮商叶天風海濤氣
蕭森泠泠七絃和且緩萬籟羣息沈幽陰細彈輕撫調徵羽
靜中端倪妙難尋最是聽到無聲處神遊太古德惛惛乃知
至味歸淡泊道心如許清人心君不見廣陵傳自嵇中散汎
汎古雅留遺音雅奏曲終
霜月白霜滿青天月滿林

寶田本姓胡六歲時為匪人掠賣與湖南金寶寺為僧姓氏

里居均未能記憶惟兒戲時留所生年月日時一紙衣襟中

及長矢志尋親遍訪莫獲一夜宿沔境夢人指一處語曰訪

親宜由此進至府場有一門戶彷彿夢中所見問及故老有

能談失子遺事者至西方小河口始見其母遂相持痛哭

古水性高雅始攜鉢遍遊名山繼乃住錫東方段家院之白水菴善丹青筆意妙絕其畫破荷尤為獨出時人競珍賞之雲光本姓王自幼祝髮淨土菴參禪之餘兼習岐黃少有餘資卽商其族人建宗祠族人感其義絡繹捐助以葺其事又建宇藏於菴前士人以此多之

括塵沙湖鎮南岸水符廟住持僧生平慕齊己為人琴棋俱

妙尤工詩

題夢園絕句云十畝間園靜不譁無生涯處足生涯俗塵萬斛飛難到真個人間處士家又一絕句

云懶向人間說姓名日邀知己醉芳亭停杯就枕酣然睡分咐奚奴莫喚醒甚有雅趣

天涯孫公祠僧善琴工畫於竹石蘭三品尤蒼渾秀勁三楚吳越知名士題贈殆遍

泗陽州志

卷十二

雜類 方外

八

性亭本姓李以唇缺人呼為缺和尚始祝髮中方觀音閣終住錫南方顏氏節孝祠性靜訥喜讀易講河洛圖兼精堪輿然未嘗以風水神其說晚好文嘗采天下各山圖記為一集進士王冕南有序

孚山字小巖南方人能文工詩善書法幼時應童子試不售棄從釋住持天門瑞慶宮後掛錫廣長社喜交遊往來多知名士凡名勝所經皆有題詠今廣長存題壁斷句云玉帶橋橫桂子影紅蓮浪捲藕花香後雕松柏青三徑新種芭蕉綠半天雨過草香生杜若月明路轉入花村皆有逸致

周揆源題孚山

小像詩天地一蘧廬浮生等閒寄曠達嵇阮流沈淪終自棄何如禮梵王絕俗參元秘巖巖孚上人掛錫東林寺優鉢少

天涯袈裟未捐置少小嗜儒書擬樹騷壇幟古匣韜光芒寶
刀未一試肯抱白雲終膜視塵寰事不見李鄴侯遁跡穎陽
市有詔許出山平章三朝事儒釋將相全勛高爵亦備功成
還眉山仍邀野服持英雄老空門畢竟關神智始終癖煙霞
諒亦性所至我羨乎上人熟籌已再四天心慘未舒獨醒何
如醉一卷毗曇開萬山風雨庇石上墨瀋流晚底龍蛇戲但
見綠浮天從無塵到地名不逮李侯已償廬山志我歸悵暮
年初願聊自遂枯坐似老僧感舊增噓噓慙對蘇白傳宦成
了禪義安得蓮社侶談笑結高
誼迢迢百里程臨風亦翹企

行綸通宗教任持徐公祠梵行清潔爲緇流所僅見

脫凡駐錫報恩寺壹志鍊真熟釋典工詩律兼習青鳥術壯
歲朝南海名勝著有海岳行吟集

文波茅江人住持廣佛寺生有異稟過目成誦家本素封自
幼能淡嗜慾以華衣鮮食爲苦年十六潛入寺乞爲僧其兄

沔陽州志卷十二 雜類方外 九

知之百計勸歸以死拒不從遂祝髮比長大振宗風晚年益
肆力於詩書摹聖教與文人詞客相往還贈答無虛日著有

茹蔬詩草四卷

開迷本姓徐衣一布衲冬夏不易科頭赤足寢設一龕趺坐
終宵初住廣長寺旣至仙桃鎮殫力募化建甘露寺爲十方

禪林

道澗別號洞山本姓周誕時祖母夢老僧入室生而不乳父
母異之拜報恩寺僧惟吳爲徒十齡祝髮性覺慧曉釋典長
襲僧正好結客喜藏學士家言晚入山西副使陳柏高年社
嘗募建報恩寺山門鑿鑿心亭池新萬壽閣大雄殿創僧正

司沒後立塔七里院刺史王某題曰洞山定所
觀智不詳其里居姓字杖錫於沔掩關三年向化者眾有陳
某皈依甚虔觀智命遠參匡山老人求說法老人示之曰男
女當持五戒不殺仁也不盜義也不邪淫禮也不妄語信也
不飲酒智也儒門能此者卽成德之君子矣陳某遂大解脫
而退

沔陽州志

卷十二雜類

釋道

十

瑣錄

唐寶曆中荊州有廬山人常往來於白湫南草市時時微露奇跡人不之測賈人趙元卿從之遊乃頻市其所貨設菓茗詐訪其息利之術廬覺竟謂曰觀子意似不在所市意何爲也趙乃言竊知長者埋光隱德願垂一言廬笑曰今日且驗君主人午時有非常之禍若從吾言當免君可告之將午當有匠餅者負囊而至囊中有錢二千餘必以非意相干可閉關戒妻孥勿輕應對及午必極罵須盡家臨水避之若爾徒費三千四百錢也趙歸語主人主人亦素神廬術及夕伺之果有人叩門求糴怒其不應因擊其戶張乃從後門率妻孥避

沔陽州志

卷十二

雜類

瑣錄

一

去其人乃去行數百步忽蹶倒而死者妻至觀者多人具告其所以令主人市榷瘞之正費錢三千四百文因是人赴之如市廬竟潛逝至復州界維舟於陸奇秀才門前或語陸廬山人非常人也陸乃延之入都投相知因請決疑廬曰君今年不可動旦夕禍作君所居堂後有錢一甌覆以板非君有也錢主今始三歲慎勿用一錢用必成禍能從吾戒乎陸矍然謝之及廬生去陸笑謂妻子曰廬生言如是更何求乎乃命家僮鋤其地未數尺果遇板徹之有巨瓮散錢滿焉陸喜其妻以裙運紉草貫之將及一萬兒女忽暴頭痛不可忍陸曰豈廬生言將徵乎因犇馬追及且謝過生怒

曰君用之必禍骨肉與利孰重掉舟去不顧陸馳歸礁而瘞
焉兒女豁然愈盧生在復州常與數人行途中遇六七人盛
服帶酒氣生忽叱之曰爾等所為不悛性命無幾其人悉羅
拜曰不敢同行者訝之曰此輩盡劫江賊也其異如此趙元
和言盧生狀貌老少不常亦不常見其飲食所論多奇怪蓋
神仙之流也舊志

雲南緬氏遣使貢天鵝於天朝過沔陽因浴飛去拾其墜翎
空闕上之作口號云將鵝貢唐朝山高路遠遙沔陽湖失去

倒地哭號號上覆唐天子可饒緬伯高物輕人意重千里寄

鵝毛古志引稗史 按稗史所載與此畧同惟雲南緬氏作
越南俗傳昔代土官緬氏遣使作遺緬伯高天朝作中

沔陽州志 卷十一 雜類 瑣錄 二

朝俄陸上翎作俄 望一翎拾之上有高字物輕作禮輕寄鵝毛
作送輕毛 又按東坡集日同千里寄鵝毛山谷集千里鵝
毛意不輕邢俊臣臨江仙詞物輕
人意重千里送鵝毛疑用此事

向友正和興四年為復州推官五年正月十五夜月不盡明

其子彥見舍後一黑物長丈餘以為木影也俄而少動因

叱之逡巡而隱明日白其父父曰吾翁在贛時我夜讀書窗

下月色皎然觀一影甚巨言際窺之乃極長黑人腰與簷齊

怖而就寢既而翁捐館今無乃類此乎後九日友正無疾而

卒先是孔目官任選死七十餘年見故夫幘履袍笏疾趨過

門全如生時形質妻固邀之還舍辭曰吾今為西祠判官適

孚惠神王以推官嚴明使召之汝姑少待至二更後復來叩

門語曰向公非人間可留別除命我行亦不容緩矣俄而向

亡夷堅志

湖北罹兵戎燒殘之餘通都大邑翦為茂草復州尤甚子城內有廢地稍除蕩瓦礫治作菜圃圃丁鉏劓種植以供蔬茹僉判官舍在其東錄曹在其西紹興四年四月余兄子樺為僉判赴王錄曹飲席日銜山後小童見二女子頂冠著紅背子把手笑入圃以為官娼也但訝其黃昏不脫上服與錄曹一童言之蓋郡寮清燕未嘗用佐尊者乃知為鬼夷堅志

復州乾明寺四隅皆湖紹熙辛亥漁人舉網得古銅磬泥土汚濁方就水揩滌寸許其光赫然透照腸胃而旋轉不止置

沔陽州志卷十一 雜類 瑣錄 三

之蓬頂亦然波濤旋覺洶湧謂為怪物擲之岸上以棹叩擊聲徹雲漢而旋轉愈甚因投腐魚實之猶不止乃棄諸水中明年春主僧清顯方聞之募眾漁訪索得於別浦但經魚汗處不復光惟脣閒尚可燭鬚眉聲雖清揚終不如向來也夷堅志

荆湖兩路大抵皆黥卒率皆凶盜貸命者每一郡兵士居土人十之七八臯之姪僉書復州判官其閤人曰謝四凡三以盜敗幸而不死黥文滿面亦頗知悔過猶藏大北珠三顆各可值千緡乃劫得之巨室者至是不敢出售臯去二年會稽李知言來養一鹿不甚大一日忽晚謝旁怒目而視謝度其

不足畏持杖箠逐鹿掉角還鬪隱處遭觸即時腎囊裂而死

鹿蹲踞不動李命屠家殺之以祭死者而盡犒廳眾

夷堅志

復州僉判廳主管諸司錢物故蓄犬以警盜名為防庫一黃

犬在彼十餘年吳興周礪居官尤加意飼養犬一如感恩者

常坐臥其傍泊滿秩子姪臯之代之以小兒女多驚或為所

驚嚙牽以付浮橋之南二十里外蓮臺寺明日復來又執拘

以往已而復爾周末去閒謁臯犬認所乘轎知為故主迎繞

馴伏掉尾戀戀伺其退即隨以行臯解其意語周使置於船

中後數日船至巴河犬登岸未返而船人解纜東下犬望見

跳躑嗥鳴奔隨不置凡三四十里周顧見之命小船呼載既

沔陽州志

卷十二

雜類 瑣錄

四

得上不勝喜遂至湖州

通志

宋理宗嘉熙元年時已失京西諸州軍士多徙寓江陵鄂州

上荆湖制置司於江陵取德安府荆門軍歸峽復三州隋鄂

均房等京西七郡士人別差官混試

舊志

永固寺在州南四十里

入蜀記云畢家池地勢爽塏居民頗眾有廣福永固寺東偏白雲軒蓋屬

復州玉沙縣滄浪鄉云

有宋景定元年十二月所鑄普安寺鐘其文曰

大宋國江陵府江陵縣二十六都石桐院西隄居玉泉行祠

蔣真人香火端公周顯同杜掌梁智旺王世隆鄭思旺等緣

化十方善男信女資金鑄造大鐘一口永充復州南畢家池

普安寺常住持養

舊志

竟陵掾劉諷夜投空館有三女郎至歌曰明月清風良宵會
同星河易翻歡娛不終緣尊翠杓爲君斟酌今夕不飲何時
歡樂忽有黃衣人曰婆提王屈娘子速來女郎皆起明日拾
得翠釵數雙舊志

漢沔會流處岸上有石銘云下至水府三十一里皆傳李斯
刻石於此天下水府一十八處舊志

上下西湖每遇夜半煙斜霧橫中望見小舴艋乘風挂帆出
沒上下有時燈火明晃或隱或見漁人好事者疾棹迫視之
已杳不可卽矣又屢聞聲從水出近聽猶隱然遠則轟轟如
鼗鼓土人相傳有神激渤其間聞則多水舊志

沔陽州志卷十二 雜類 瑣錄 五

金世宗太定八年十月辛亥詔罷復州歲貢鹿筋此時復州治景陵

元妙觀塑有雷神像飛龍生動濃雲蒼狗走如鐵騎火車金
電健鬼疾奔而騰躍者都非人間所嘗見日陰氣肅殿中雲
霧朦朧雷聲震發人驚愕不敢近又或天旱里人禱於其處
須臾烈日中見殿中纏龍忽起雲煙口中水淋淋下鱗甲中
俱帶苻藻父老相傳當時塑像不就有真人劉越勅下雷部
命工親見之故靈應云按真仙通鑑錄敘匡續先生事果有
劉越姓名導引先生入石室授延齡保命之術則劉越驅神
事似或有之一云永樂年襄府天旱遣承奉命道正劉仁成
祈求有驗賜金帛不受召雷神現形雕真像回觀侍奉此說

更近或神之爲劉越也舊志

醍醐鳥出黃蓬山三四月飛鳴提壺盧沽美酒山內有之山

外絕無舊志

胡儼記定武蘭亭石刻鐫損天流帶石四字然又有肥瘦二本而鐫損者乃瘦本爲真定武後復州以此本重摸亦鐫損四字其字極瘦王順伯尤延之爭辨如聚訟然瘦本風韻竟勝復州裂本首六行斜裂第一行闕會字又永字與二行會字三行畢字四行修字五行爲流二字六行弦字正當裂處十三行因字內改筆作小仲字十七行向之字差大二五行視昔下二字作圈夫字上露初也字末行文字稍重乃竟

沔陽州志

卷十二

雜類 瑣錄

六

陵郡齋故物湮沒民間何文度摻訪得之蘭亭諸本當以復州本爲勝次豫章本次劉無言本次北京本其他皆不及也

舊志

兵侍汪可受居黃蓬別墅適大水浮敝篋而下發之乃宋僧道肯集篆金剛經三十二分汪欲摸刻苦字多磨滅門人洪度字公度書工諸體乃精思七晝夜重臨刻布董思白何象剛侯木菴陳居一諸公釋以小楷今石在京師摩訶菴東院壁自序余往在河上病歸取人所棄地於黃蓬之洲隄而耕之創丈室以比澗槃因自號黃蓬居士戊申夏五月十六日洪水潰隄而入田廬沒焉余僅以身免入城居又十日余當

知非之辰以長齋謝客二十七日午出一蒼頭進曰頃鼓棹
顏垣之下有篋浮來解舟取視之巾藏故紙似已泡爛夜若有鬼
神守此者大驚夢寐不知其何物也余命長男道春展視日
中點畫如新始知爲古刻集篆金剛經蓋宋僧道肯因五代
僧夢英所集十八體增城三十二體者也家大人逸齋集親
朋同觀咸共驚喜以爲得未曾有客有能以符咒致鬼神者
問之得絕句詩二其一曰何處經文翻貝葉洪濤千丈擁毫
光龍宮寫出非常手寶藏輸來獻法王其二曰維摩丈室已
隨波護法諸天幾度過爲示源頭眞脈絡金剛一部本無多
余徧訪緇流罕有見是書全本者今詔起出間奉與俱行偶

沔陽州志

卷十二

雜類瑣錄

七

過白下出示友人段諫議諫議謂宜擇善手摹之梓以流布
余欣然付焉諫議久求善手不得而以庚戌之夏歸里余亦
以遷秩歸相值於白蓮峰故是本復歸於余奉之以入雲中
余有門人相從不舍一日披誦是經請爲書之越九旬而書
成萬曆三十九年辛亥

居易錄

太和五年復州醫人王超善用鍼病無不差端午忽無病死
經宿而蘇言始夢至一處城壁臺殿如王者居見一人卧召
前袒視左膊有腫大如杯令超治之卽爲鍼出膿升餘顧黃
衣吏曰可領畢也超隨入一門門署曰畢院庭中有人眼數
千聚成山視肉迭瞬明滅黃衣曰此卽畢也俄有二人形甚

奇偉分處左右鼓巨箎吹激眼聚扇而起或飛或走或爲人者頃刻而盡超訪其故黃衣曰有生之類先死而畢言次忽活

後唐莊宗馬殷自京師至襄陽唐郢復等州置邸務以賣茶其利十倍

竟陵掾劉諷夜投空館有三女郎至歌曰明月清風良宵會同星河易翻歡娛不終緣尊翠杓爲君斟酌今夕不飲何時歡樂忽有黃衣人曰婆提王屈娘子速來女郎皆起明日拾得翠釵數雙

孝宗乾道中虞允文使蜀往沔陽

沔陽州志卷十二 雜類 瑣錄

八

元季兵興荆楚沔爲藪戶口十餘萬富積寶貨男子從征戍家居率婦女媼婢也有皮工蔡姓出陰計縫虎皮爲衣手足著銅距長二寸許遇夜匍匐而行若眞虎也踰垣牆破門關婦人女子悉駭怖竄逸惟身之不免是憂牲畜無論矣卽奇貨重寶盡委之惴惴不敢喘視以爲神虎一郡相謂曰今之財物非悖致者乎昊降罰因是孽而喪耶不然何出入不常莫能逐也蔡由是日富盡窵其有於牀下幾三歲不敗鄰有袁氏者家惟妾三人一日刺豕蔡市肉不得怒夜蒙虎皮入其室眾妾遁頃之其一妾謂其二人曰恐虎去而不畏者踵入吾室將盡吾有也誓膏死以覘之緩急汝吾助遂潛往伺於

室之奧俄而虎復入人立四顧取虎所不取者妾抱持之大
噉虎挾其面躑其頸妾察有異抱持之愈緊呼二妾二妾呼
四鄰四鄰集蔡憂不免褪其皮逃去腰以下未及褪也妾以
皮聞諸官官命大索得之掘蔡寗室得虎皮半截驗之令籍
其家坐其孥梟其首於市君子曰世之肆貪暴以戕害人者
蓋白晝之於菟也蒙其皮爲姦於昏夜者彼知僂之身爲於
菟於白晝而弗知已者又將誰僂耶殆哀妾之未遇耳世之
畏威俯伏塗塗粉其身而不思除其姦者何智力不妾婦若
也

舊志云明王禮
於菟夜兒傳

總志明玉珍玉沙人元至正十三年冬徐壽輝僭號於漢陽遣

沔陽州志

卷十二

雜類

瑣錄

九

使召玉珍授元帥益兵俾鎮沔陽與元將哈林禿戰湖中流
矢中其右目十五年夏沔陽饑玉珍駕斗船五十艘出糶於
蜀案德安志無玉沙玉沙爲沔地矣又云隨州何也童志明
玉珍或云沔人史云隨人故不書然其在沔二事何可不書

按明史本傳但云隨州人不
云隨州玉沙人殆後志誤也

盧士奇字公常傳見忠烈志方征燕子窩賊陣亡時援兵已
至將下營忽見前面大軍與賊交鋒登高望有盧字旗號賊
敗走數十里賊眾相謂曰盧公神威莫敵我等自應投誠由
是不戰悉平事聞奉旨盧士奇著在本籍建立忠臣府祠準
其春秋兩祭以妥忠魂以示鼓勵

崇禎癸未春仲有人見一老翁方巾古貌據城而嘆至三月初四城爲流賊所破死傷者無算

江北城址陳廷尉栽柏百千於上森蔚可觀又壘奇石爲五山以像五嶽

玄妙觀向有古柏枝幹扶疏逼近殿基州人欲移之未果一夕天大雷雨其樹忽徙數步人以爲神力

劉邈通學仙居武昌其子迫飢寒從之求生活與敗衲一黍升許戒曰衣抵裘黍一粒可數人食也歸檢其衲臭惡而多蟣虱焚之落珠璣瑟瑟無數異香鬻空子婦盡炊其黍飯溢充棟狼藉籬落今養馬嘴有地名飯臺

沔陽州志

卷十一

雜類

瑣錄

十

崇禎癸未流賊破沔焚戮浮屍蔽河而下有王初華者購席率僮僕操舟援而瘞之最後夢一女子拜語曰明日蒙公埋骨之恩願母與僧同穴及醒晨伺於河得空棺旁一女子宛如夢中拜語者頃之一僧屍漂至乃別厝僧屍撈女子起衣裳履鞮皆縫紉至密初華妻陳氏出深衣一襲殮於棺擇壟葬之在唐腦湖之社嶺初華子瑞中康熙癸卯鄉科孫松品有詩記其事

沔鄉民李瓊仙事母極孝母死晝夜哀號冀得一見忽有人謂曰兒欲見母乎可隨我來攜之自籬壁飛出御空而行少頃至一處見母形容消瘦雙目盡盲其人痛哭仆地旣覺乃

潛江五顯廟也遂沿路乞食而歸

順治初沔人謝玄玉請乩仙題云手拍蠻雲數千里健兒腰
下刀如水陣頭奪得月支頭一騎紅塵報天子復書嫖姚二
字而去

康熙壬子夏李用和與同學請乩仙題云露飲風餐不記年
蓬萊仙島一嬋娟傷心莫問當年事曾向青樓拂錦箋問其
姓氏曰壽水用和悟曰汝薛濤耶擲筆而去

城南有繡花堤距城十餘里相傳唐時有麗人姓梅名雪操
者居此堤沒後葬此迄今產花名金紫蓮以三月中旬開花
初放如小梔子白色已放單葉紫色如宮粉黃心金鬚輕颺

沔陽州志

卷十二

雜類 瑣錄

雅淡而清香靜遠誠逸品也

玄妙觀玉虛閣銅鼎重八九十斤質理精工古色斑駁康熙
庚午六月觀中建雷祖會二十二日鼎忽飛去

沔東五十里蘇家腦有大柳樹數百年物蒼皮黛色突兀婆
娑垂蔭數畝中空可列坐一席後雷震去其半枝葉龍葱幢

幢掩蓋其枝墮者皆生長成合抱樹上纏葡萄藤蜿蜒轉轉
如虬龍蟠屈誠奇觀也好事者往往載酒賞之

張應斗詩滄溟水淺虬龍

老瘦龍幻影奔蒼昊手植何人何歲年蟻結地盤勢如倒東
枝天矯礙扶桑西枝滅沒白榆光時肅雷電震鰲極肯容遊
冶攀鵝黃齧霜激月苔鬪綠坦腹懸癭敞華屋中當環飲數
十人把酒無從問空谷龍門百尺桐無枝乾陵怪柏徒妖姿
靈楓羽人杳何處老松白鶴誰題詩我獨愛此支離叟大椿
為天樗為壽風雨雖多少斧斤桃李榮華豈堪久太守來看

屏輿從十圍不比金城種平山
堂前日月長從此蘇村入歌頌

無錫秦檢討留仙從軍荊州雨泊仙桃鎮中夜聞琴聲甚清
越迹之乃一老書生也破簷數椽風貌樸野秦賦憶秦娥賦
之云西風切雁聲淒斷重傷別重傷別水村孤棹雨絲殘葉
天池雅調刪繁節亂離時候誰人說誰人說朱絃暗響茅堂

清絕池北偶談

沔陽州王翁者夫婦皆奉佛里稱善士年五十無子忽舉一
女甚明慧授以書輒能強記翁媪朝夕禮佛女輒膜拜於後
年十五一夕就寢夢寐中若有眾捧持之以手撫摩者晨起
如廁則變為男子矣康熙己酉鄖陽軍帥致之留月餘乃去

沔陽州志

卷十二

雜類瑣錄

三

予門人衛台瑞凡夫曲沃文靖公子也時知府事親見之其
客慈谿馮之後至京師述之如此居易錄

黃明秀許三里人雍正時大旱秀合鄉人為文禱雨不應秀
居里之楊家嘴臨水適浮字來同人撈閱之則晉永和三年
禱雨文也錄焚數紙大雨滂沱稿存從曾孫黃致厚家道光

乙酉大水漂去

曝背閑談

徐檢棠州侯生日蜀中兩少年獻杯盤之伎賓僚縱觀就廚
索磁盤八磁杯百磁大徑尺盛十餘杯輒加一盤層累而上
高二尺甲令乙戴乙有難色強舉而加其首伸頸垂首為鶚
立為鶴行曰今日貴客滿堂能一一效其行乎如是折矩周

規有若刺史雍雍然其從容殆自得也高視濶步其搖曳甚
多姿也連步而前斂手而退則又若僕隸業業然其趨承惟
恐不及也以徐以疾杯盤震動其音琅琅合口嘆觀止矣甲
曰未也能轉身於地而杯盤無恙將邀重賞矣乙尤難之甲
訶曰試爲之假爲墮甌宜必汝罪耶乙不獲已逡巡下階兩
手據地而伸其足或反之或側之運手足甚捷東西凡再週
身轉而頭必昂頭昂而盤不墜堂上下色然駭汗而乙自如
也亟賞而止之所獲無算焉

曝背
閑談

邑城內王鵬字大振家世單微方六七歲時未就傅一日忽
背誦四子書數卷聞者大駭指四書中字詰之一一能辨試

沔陽州志

卷十一

雜類

三

雜書誦其辭如瀉水田冊時憲書皆然從塾師讀書無難者
作對句多出人意表邑紳余姓因以幼女許配焉後卧病半
載絕而復蘇比愈鈍拙無異凡兒終亦無所聞但爲貴家婿
而已

曝背
閑談

李永茂者河南歸德人兩足風癱乞食於沔得錢則日買香
楮供元帝且附香船進香荊州太和觀者七次常覆舟獨浮水
面不死乾隆四年孟冬二十二日夜恍惚見元帝黃袍披髮
跣足入其室傍侍五六金甲神帝以手摩永茂從膝至足覺
甚痛及醒則起立能行咸驚異爲神力

南方馬安市卧仙樓天花板有倒行足迹張錫穀詩古稱絕

迹曷而無行地難云何飛行者倒影留奇觀塵迹得未有步履
從何安應有謫仙人雲臥虛無間俯仰隨變化坦遊天地寬
我昔寄禪榻乾隆戊申授徒寶華寺夢寐常盤桓雖感去僧逝覺猶憶
多士歡竭來問故步對此驚心顏

黃蓬山有漁翁墓相傳爲陳友諒之祖墓張錫穀詩云賣漁
沽酒醉煙灣世事悠悠付等閒那知癡兒真孟浪竟思一網
打江山

南方下達里倪宗夏有馬僅供夏坐騎他人莫能近夏沒馬
涕不食比殞馬忽震奮繮索竟絕奔至葬所繞墳三匝而死
人咸感歎葬馬夏墓傍進士張錫穀教讀其家作義馬傳

河陽州志卷十二 雜類 瑣錄 齒

嘉慶甲子冬雷伯雅與眾坐門首簷際銅錢墜階石有聲疑或
戲擲則門外並無行人越數日又於河岸見空中一錢直墮
其前文郭如一悉近式案稗史類編成化丁酉六月九日京
師大雨雨中往往得錢皆側倚瓦際王文恪公鑿有詩紀其
事云蒼天似憫斯人困故向雲中撒與錢錢若了時民又困
何如再賜與豐年是歲大水民頗困如不年豐而擲錢濟之
而數僅二枚天公亦未免囊中羞澁矣曝背閑談
東門城上有鐵釜約四尺許相傳爲陳友諒故物

石家院之西北孝子嶺有重陽樹枝幹古茂長不逾丈前代
物也自嘉慶初已枯而寸枝人莫敢折其驚爲神異其上常有

物似寄生可治瘡痂試屢效至同治六年生機復萌近漸蒼
秀可愛聞諸鄉老云此樹枯時院被淹此樹榮後院遂穩人
家亦日盛殆地脈所關歟

嘉慶間星隕建興門內大如碌磚光徹晝夜歷數日爲婦女
所躐光滅如石年人失所在

洛江河樟柘院有嶓嶲廟側有枯樹根可合抱土人傳爲娑
邏樹究不知爲何木也咸豐初忽葉僧護以籬數年結子乃
釋家念珠子因名菩提樹所傳娑邏或波羅之譌也

古石棺在黃蓬山曾氏松林前土崩露石棺形鑿試卽雷震
咸豐四年閏四月二十七日夜迅雷甚雨明日見石棺被人

沔陽州志

卷十二

雜類 瑣錄

五

盜開祇新土一堆在棺內不知所竊何物

王大洪新堤鎮人少無賴嘗以不法事受官刑晚歲知悔咸
豐四年髮逆竄鎮將肆焚掠洪跪賊匄免賊來益眾有李上
舍天培者避賊舟至沙灣洪蹤及之曰翁去如地方何培曰
若生無片善此若立名時也事平有以酬若矣洪撫膺亟言
曰諾乃與江夏周世鳳鎮人龍宗友等謀詣偽丞相曾天養
舟叩頭懇出示禁其黨天養喜遂戒賊毋肆掠勢少戢又賊
酋郭姓者嘗踞鎮洪餌以金誘之聲伎鎮遂安堵難定州牧
蕭蔭恩各給軍功洪無子考終鳳與友無嗣後皆舉子
費氏有一犬白質黃章斑點如豹每食不與他犬爭遇丐

狂吠狺狺勢雄如虎卒未嘗噬一人咸豐甲寅主遠避兵亂
犬隨行阻雨府場住族人舍數日族人愛犬強留畜之主前
往犬躍躍從行主曰爾勿念余余奔走無定所犬於是卧門
首主去亦不顧族人予飯及肉皆不食三日遂斃主後歸族
人告其故遂作文哀之

洛江河南排湖曰雞頭湖多菱芡一曰龍時湖春夏水藍可
染異於他處

仙桃鎮西有溝出袁家口約七里許寬十數弓溝南一村
曰小南灣茂林蔭翳綠水澄鮮村人置小舟送客往來便焉
邑貢生歐陽鑑川過其地口占一絕云板橋流水碧波環曲

沔陽州志

卷十二

雜類

瑣錄

去

澗西橫數畝間兩岸垂楊青不斷扁舟又過小南灣

咸豐六年大旱陳小院居民掘井深二丈許得白骨長丈有
二尺背有開元錢三百餘文一字排列旁有寶劍長三尺餘
居民乃爲大墓刻碑記之

填潭之南有宋姓墩咸豐七年五月雷雨夜作仰視半空似
懸燭龍二所過屋舍傾覆突墜草積中火起雨淋雷益迭莫
敢嚮適天明乃止眾視之遺灰一團僅餘首尾首若水牛尾
有鱗甲里人取以療病多效

陳家場之西二三里有古樹至咸豐末忽炯然如螢火徹樹
通明土人折枝置暗室終夜有光歷十餘日取者絡繹不絕

盡剝其皮樹死而光亦熄

呂候妻譚氏晚年有鬚自慚相貌殊常每以膏藥飾之壽六十餘終

馮舜德東方純良嶺人由貢生加捐直隸州州同嘗於宅前編茅舍曰心齋日吟嘯其中性廉正後生見之皆肅然去茅舍半里許有醫埠夜多鬼怪人恒苦之一夕漁人聞水面有聲云馮公立書齋外吾輩當避是夕竟獲多魚天明攜魚送舜德詢其故漁人以告不信至夕復立門外漁人聞如前始信鬼神亦畏正人也

西方杜家院有甜泉性極溫飲之如蜜無論寒暑用其水浴可以已病

沔陽州志

卷十二

雜類 瑣錄

七

馬五里中連院有重陽樹一株周二丈餘中分兩極似龍蟠而上自明迄今數百年雖屢遭大水蕩搖而根蟠葉茂毫無凋殘又東北里姚家院內亦有一株周十圍枝幹蒼秀屈曲如蓋十數年一枯十數年一榮

彭家灣有古樹一株大可數十圍每盛夏綠雲布密枝幹作虬龍狀其葉若桑若柘若桃若柳每近村火則樹亦災又常有蛟穴其下蛇巢其上行人過此皆有戒心光緒四年二月二日樹忽自火以水灌之愈熾四日乃熄遂中空可容五六人而生氣猶存

沈湖有蚌嘗夜吐珠紅光燭天湖上人家竹樹歷歷可數相傳珠見占歲熟光緒四年正月十四夜忽奇采煥發村人緝審曰此沈湖蚌珠也至光緒十二年正月復見歲亦稔

東鄉江姓以負販起家生二子頗相亞長男八歲而瞽無與完婚者因賄媒聘同州鍾姓女以次男爲名而實書長男年庚於帖旣又爲次男議婚他姓鍾詫其再聘則曰定汝女者吾長男也問媒媒亦云然鍾怒控諸官官問江戶鄰僉言長男年月悉與庚帖合乃責鍾妄控鍾不勝其冤而亦無如何也及長男將成婚日翳漸消光明如故而鍾女以病淫兩足痿不能步履江控而欲離之官廉得其情怒曰汝以瞽子而

沔陽州志

卷十二

雜類

六

賺人之女爲婦今汝子目明鍾女足廢正天所以報汝也且前官業有定案違之將罹重譴矣江上控皆不直不得已迎婦歸

嘉慶二十年十月邑東劉氏徙宅毀梁得片紙有蠅頭小書云盡喜頭憂腳二亥之年斧柄手末署萬曆癸未十一年匠人許士龍造蓋喜頭憂腳者嘉慶也二亥者是年乙亥十月又屬亥也柯曰斧柄主人名柯才也書柄爲柄主人子名炳也噫木工小技耳前數百年預知興廢時代名目歷歷不爽術何神歟抑數不可逃歟

沔陽王氏子年二十餘讀書應試家頗小裕一日來道者相

之云天下將亂爾當爲新朝宰相武監生黃某其大將也真主在某處爾等當共訪之授無字書一卷教以誠心皈依字畫朗出虔誦時所坐蒲團離地尺許似雲騰然王信之詣黃亦如其言乃共訪所謂真主者則一蒙館窮生也聞二人言大駭吁眾欲首官二人懼哀賄始脫會州牧梁照緝教匪甚嚴王氏工人發其妖審証確鑿按名捕殺之株連死者數十

人井竈錄

河南柘子河有橋跨其上名寄木塌橋傳言僞漢陳氏寄殿材於此故曰寄木咸豐丙辰歲旱鄉人掘井得古塚有殘碑剩字云世居慈母塔或卽指其地而音訛爲寄木也

沔陽州志

卷十二

雜類 瑣錄

九

長樂寺有白果樹柯長十丈陰橫數畝五六人不能圍其盤根處玲瓏奧竅一夕大風雨樹折飛去僅留白迹里人咸驚異之

仙鎮襄河濱水啣岸坼露瓦鋼二上下合覆沿邊皆繪蓮藻質甚古有牧童見而異之戲以拾糞具叩馬歸卽寒熱嚙語謂老僧涅槃於此自明迄今汝何爲以穢器觸我童父母詢知其故備香燭詣謝童遂霍然爰有好事前往開視見老僧趺坐其中披袈裟執麈尾鬚髮如生指爪長數寸許座下蓮實滿焉羣驚異爲擇高原改葬之有取其蓮實敲食者與新實無異此光緒十年間事也

乾隆己亥秋張蓮濤先生應鄉試歸夢謁文昌星君一婦抱
嬰旁立約半歲指云爾會提此解元也覺而告人曰若吾待
此子同榜不已老乎及通籍後襄校黔闈題與己亥楚闈同
解元翟錦觀出其房揭曉來謁詢其年則生於己亥正月記
夢中半歲小兒髮髯形似是知師第沈澁一氣固有夙因也
仙桃鎮後河堤回龍寺前忽生一樹經年長丈餘人莫識爲
何木一日有過客臨眺願購以重貨僧利其貨售之既伐樹
叩其名客言此木產海外中土不可多覩焚之可下天鶴香
聞二十里試之果然然樹已被掘無可奈何聽客載樹去

東門城內張氏花園有文徵明行書橫幅石刻共七字款二
沔陽州志卷十二 雜類 墳錄 三

字大徑七寸文曰瀛州花漫樂蕭閒迥秀少匹今移張太守
樹暄家

仙桃鎮太平橋舊有碑石姓字漫滅相傳明季遺賢避黨人
難流寓於此歿後土人書其軼事壽之砥石題詠者多列爲
仙鎮八景之一兵燹後片石猶存今失所在